

Ut est quorundam estimantium opinio, nugator huiusmodi excellentiae virorum, catholicae veritatis temerator et, quod absit, perditus appareo iuxta vocem psalmigraphi¹: *Quia ecce, qui elongant se a te, peribunt*², *perdidisti omnem, qui fornicatur*³ *abs te.* Reverentiam christianae religionis plures conati sunt usurpare et communem modum soliti sunt abusive et carnaliter interpretari orthodoxorum⁴, ut Arrius, licet Deum patrem, humana tamen consuetudine filium minorem patre et alterius, non unius eiusdemque⁵ substantiae confitetur⁶; Manichei⁷ vero, qui duo principia sibi coeterna et adversa profitentur, Deum et principem tenebrarum, et animam de Deo, corpus vero de tenebrarum principe dicebant esse, *unigenitum Dei non credentes, indignum* etiam Deum filium habere diiudicantes⁸. Nestoriani duas naturas Dei et hominis arbitrati sunt (in hoc etiam non notandi), duas autem personas confessi sunt (ideo abominandi). Eutichiani vero unam personam in Christo probabiliter testati sunt, impie unam naturam Dei et hominis professi sunt. Catholici vero, in quorum classe me actenus censeo vixisse, inter Nestorianas et Eutichianas⁹ hereses meditullium tenemus, duas naturas et unam personam inviolabili unitate unanimiter conclamantes, supra dictorum virorum heresibus non consentientes, sed benedicientibus canonicisque confitentibus participantes, patrem esse quem filium et filium quem spiritum sanctum et spiritum sanctum quem patrem aut filium a vere fidei cultoribus exclusum esse decernimus. Aliam personam patris, aliam personam filii, aliam spiritus sancti esse, *non tamen tres deos, sed unum Deum*¹⁰ in individuitate substantiae credimus, trinum in personarum vocabulis, solum in unitate deitatis; Sedulio¹¹ nostris partibus succurrente, incessabili voce concrepantes:

*Non quia, qui summus pater est, et filius hic est,
Sed quia, quod summus pater est, et filius hoc est.*

Caput omnium electorum Christus, [quem Deus] genus humanum miseratus, de sede suae maiestatis transmisit filium sibi coeternum ad Mariam virginem, cui nec ante nec post similis visa est, quia *virgo concepit, virgo peperit virgoque permansit,*

1) Ps. 72, 27. 2) 'peribunt a te' Hs. 3) 'fornicatur qui' Hs.; 'omnes qui fornicantur' Vulg. 4) 'ordodoxorum' Hs. 5) 'eiusdemque' wiederholt Hs. 6) Incerti de fide cathol. (Boetii Consol. phil. ed. Peiper p. 176), wo es heisst 'extra patris substantiam conf.' 7) 'Manichei' Hs. 8) De fide cathol. a. a. O.: 'non credunt. Indignum enim iudicant, si Deus habere filium videatur'. 9) 'et E.' auf Rasur. 10) De fide cathol. p. 175. 11) Carmen pasch. I, 319. 320.